

01/3

**BOSNA I HERCEGOVINA  
UPRAVA ZA INDIREKTNO OPOREZIVANJE  
BANJA LUKA**

**ODJELJENJE ZA KOMUNIKACIJE I MEĐUNARODNU SARADNJU**

Broj: 01/3-50-4-UP/I-74-3/20

Banja Luka, 10.11.2020. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu advokata Dragana Stupara, Nikole Pašića 16, Banja Luka, za pristup informacijama, Odjeljenje za komunikacije i međunarodnu saradnju, d o n o s i

***RJEŠENJE***

Odobrava se advokatu Draganu Stuparu, Nikole Pašića 16, Banja Luka, pomoćniku Nikice Gligorića, pristup informacijama, odnosno dostavljanje kopije Zapisnika o naknadnoj kontroli broj: 03/6-3/I-18-4-83-2/20 od 18.08.2020.; kopije Zapisnika o naknadnoj kontroli broj: 03/6-3/I-18-4-86-2/20 od 09.10.2020.; kopije Rješenja o imenovanju Drugostepene disciplinske komisije broj: 01-34-5-2347/19 od 05.12.2019. i kopije izvještaja o kontrolnim aktivnostima broj: 01/1-4-INT-474/20 od 22.09.2020.

***Obrazloženje***

Advokat Dragana Stupar, pomoćnik Nikice Gligorića, podnio je Upravi za indirektno oporezivanje BiH Zahtjev za pristup informacijama kojim se traži dostavljanje slijedeće dokumentacije: Izvještaj o kontrolnim aktivnostima, službenu zabilješku i informaciju Grupe za istrage, Odsjeka za provođenje propisa, RC Banja Luka po anonimnoj prijavi broj: 01/1-50-1551/20 od 02.07.2020. a u vezi sa izvoznim carinjenjem na CI Prijedor pod brojem MRN: 20BA092045000462A1 od 14.02.2020. za preduzeće „Globex Tabak“ doo Banja Luka; Izvještaj o kontroli Grupe za kontrolu, Odsjeka za carine, RC Banja Luka, a u vezi sa izvoznim carinjenjem na CI Prijedor pod brojem MRN: 20BA092045000462A1 od 14.02.2020. za preduzeće „Globex Tabak“ doo Banja Luka; Imena službenika koji su sačinili Rješenje o suspenziji 01-34-2-1714/20 od 24.07.2020. i Rješenje o pokretanju disciplinskog postupka broj: 01-34-5-1705-1/20 od 24.07.2020.; Izvještaj o kontroli Grupe za kontrolu RC Banja Luka za preduzeće Colormobil doo, Prijedor i imena službenika Drugostepene disciplinske komisije UIO BiH.

S tim u vezi, a kako bismo mogli postupiti po predmetnom zahtjevu, aktom broj: 01/3-50-4-UP/I-74-1/20 od 29.10.2020. godine obratili smo se Sektoru za poslovne usluge, a aktom broj: 01/3-50-4-UP/I-74-2/20 od 29.10.2020. Sektoru za carine za dostavljanje traženih podataka, imajući u vidu nadležnosti navedenih organizacionih jedinica.

Postupajući po našem aktu, Sektor za poslovne usluge nam je aktom broj: 02-34-5-1705-18/20 od 04.11.2020. godine dostavio podatke shodno evidencijama koje se vode u istom. Sektor za carine je aktom broj: 03/3-50-4-70-168-1/20 od 10.11.2020. dostavio tražene podatke iz svoje nadležnosti.

U postupku obrade zahtjeva utvrđeno je da podnosilac zahtjeva traži podatke koje u svom posjedu ima Uprava za indirektno oporezivanje BiH, a koji ne predstavljaju zaštićene informacije.

Slijedom navedenih činjenica, odlučeno je kao u dispozitivu rješenja.

*Pravna pouka:* Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

Dostaviti:

1. Advokat Dragan Stupar, Nikole Pašića 16, 78000 Banja Luka
2. Odjeljenju 01/3 2x
3. a/a



NAČELNIK ODJELJENJA

*[Signature]*  
RATKO KOVAČEVIĆ